

Ո Ր Ո Շ ՈՒ Մ թիվ - 3
Վարչական տույժ նշանակելու մասին

«13» հունվարի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով մաքսային ձևակերպումների մասնագետ Բագրատ Նորիկի Գրիգորյանի վերաբերյալ նյութերը.

Պ Ա Ր Զ Ե Ց Ի՝

ՀՀ ՊԵԿ հետբացթողումային հսկողության վարչության աշխատակիցները, ղեկավարվելով Եվրասիական տնտեսական միության մաքսային օրենսգրքի 332-րդ և «Մաքսային կարգավորման մասին» ՀՀ օրենքի 133-րդ հոդվածներով, իրականացրել են կամերալ մաքսային ստուգում «ՅՈՒՆԻՏԵԲ» ՍՊ ընկերությունում և հայտնաբերել, որ 30.01.2018թ. 05100011/300118/0001679 և 08.02.2018թ. 05100011/080218/0002343 Ա/Հ-ներով ՀՀ ներմուծված «Կշեռքներ՝ նախապես փաթեթավորված ապրանքը կշռելու և մակնշելու համար» նկարագրությամբ ապրանքը հայտարարագրվել է ծածկագրի վերաբերյալ ոչ ճշգրիտ տեղեկություններով:

Ստուգման ընթացքում պարզվել է, որ վերոհիշյալ կշեռքները «ՅՈՒՆԻՏԵԲ» ՍՊԸ պաշտոնական կայքում, ինչպես նաև «YOUSHENG» և «DIGI» ապրանքանիշները ներկայացնող կազմակերպությունների պաշտոնական կայքերում տեղադրված ներմուծված կշեռքների նույն մոդելների բնութագրերի, նկարագրությունների և կատալոգների համաձայն հանդիսանում են առևտրային կշեռքներ, որոնք նախատեսված են մանրածախ շուկայի համար և կարող են գործածվել մթերային խանութներում, սուպերմարկետներում և այլ առևտրային կետերում, ունեն կամ չունեն շտրիխ կոդերով պիտակների տպագրման հնարավորություն, որոնց կշռման առավելագույն զանգվածը 30 կգ-ից ավելին չէ:

Առևտրային կշեռքներ հանդիսանալու մասին են վկայում նշված կշեռքների «YOUSHENG» և «DIGI» ապրանքանիշները ներկայացնող ընկերությունների պաշտոնական կայքերում կշեռքների փաստացի գործածության մասով առկա օրինակները, որոնց համաձայն այդ կշեռքների հիմնական կիրառության ոլորտը գիպերմարկետները, սուպերմարկետները և մանրածախ խանութներն են:

ԵՏՀ 16.07.2012թ. N54 որոշմամբ հաստատված հավելվածի 8423 ապրանքային դիրքի ենթադիրքերի ուսումնասիրությունից պարզվել է, որ 30 կգ-ից ոչ ավելի կշռման առավելագույն զանգվածով՝ խանութի կշեռքների հայտարարագրման համար նախատեսված է ԱՏԳ ԱԱ 8423 81 500 0 ծածկագիրը, որի համար սահմանված է ներմուծման մաքսատուրքի դրույքաչափ՝ մաքսային արժեքի 5%-ի չափով:

ՀՀ ՊԵԿ մաքսային հսկողության վարչության կողմից 26.10.2020թ. կայացվել է «Ապրանքի ոչ ճիշտ դասակարգում հայտնաբերվելու դեպքում ապրանքի դասակարգման վերաբերյալ» թիվ ԱԴՈ-20-000110 որոշումը, որի համաձայն 30.01.2018թ. 05100011/300118/0001679 և 08.02.2018թ. 05100011/080218/0002343 Ա/Հ-ներով հայտարարագրված «Կշեռքներ՝ նախապես փաթեթավորված ապրանքը կշռելու և մակնշելու համար» նկարագրությամբ ապրանքատեսակը ԵԱՏՄ ԱՏԳ ԱԱ 8423 81 300 00 ծածկագրի (մաքսատուրքի դրույքաչափը 0%) փոխարեն ենթակա է համապատասխանաբար հայտարարագրման ԵԱՏՄ ԱՏԳ ԱԱ 8423 81 500 00 ծածկագրով (մաքսատուրքի դրույքաչափը՝ 5%):

Քանի որ մաքսային մարմինն ներկայացված մաքսային հայտարարագրերում ոչ ճշգրիտ տեղեկություններ նշելու հետևանքով «ՅՈՒՆԻՏԵԲ» ՍՊ ընկերության կողմից պակաս հաշվարկված մաքսային վճարները գերազանցել են «Նվազագույն աշխատավարձի մասին» ՀՀ

Օրենքի 3-րդ հոդվածով նախատեսված չորսհազարապատիկի չափը, այսինքն՝ առկա են եղել ՀՀ քրեական օրենսգրքի 205-րդ հոդվածի 1-ին մասով նախատեսված հանցագործության հատկանիշներ, ուստի, ղեկավարվելով «Վարչական իրավախախտումների վերաբերյալ» ՀՀ օրենսգրքի 253-րդ հոդվածով, 2020 թվականի դեկտեմբերի 8-ի գրությամբ «ՅՈՒՆԻՏԵՔ» ՍՊ ընկերության վերաբերյալ նյութերը ուղարկվել են ՀՀ ՊԵԿ հետաքննության և օպերատիվ հետախուզության վարչություն:

2020 թվականի դեկտեմբերի 18-ին «ՅՈՒՆԻՏԵՔ» ՍՊ ընկերության վերաբերյալ նախապատրաստված նյութերով կայացվել է քրեական գործի հարուցումը մերժելու մասին որոշումը, իսկ նախապատրաստված նյութերն ուղարկվել են ՀՀ ՊԵԿ իրավաբանական վարչություն:

Վարչական վարույթի նյութերից պարզվել է, որ Արևմտյան մաքսատուն-վարչությունում 30.01.2018թ. 05100011/300118/0001679 և 08.02.2018թ. 05100011/080218/0002343 ապրանքների հայտարարագրերը լրացրել է Բագրատ Նորիկի Գրիգորյանը: Փաստի առթիվ մաքսային ձևակերպումների մասնագետ Բագրատ Նորիկի Գրիգորյանի նկատմամբ ՀՀ մաքսային օրենսգրքի 203-րդ հոդվածի 1-ին կետի 2-րդ պարբերության հատկանիշներով կազմվել է մաքսային կանոնների խախտման արձանագրություն, որի մեկ օրինակը հանձնվել է վերջինիս:

Միաժամանակ, հիմք ընդունելով «Վարչական իրավախախտումների վերաբերյալ» ՀՀ օրենսգրքի 37-րդ հոդվածի 3-րդ պարբերությունը՝ թիվ 05100011/271217/0017581 ապրանքների հայտարարագրի լրացման և իրավախախտման կատարման պահից անցել է 3 տարի օրենքով նախատեսված ժամկետը, ուստի վարչական պատասխանատվություն ենթարկելու եռամյա ժամկետն ավարտվել է և չի արձանագրվել:

Բագրատ Նորիկի Գրիգորյանը 23.12.2020թ. ծանուցագրով հրավիրվել է ՀՀ ՊԵԿ իրավաբանական վարչություն վարչական վարույթի մասնակցության, սակայն վերջինս չի ներկայացել:

ԵԱՏՄ մաքսային օրենսգրքի (այսուհետ՝ Օրենսգիրք) 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: Սույն հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ նաև ապրանքների մասին, որոնց մեջ ի թիվս այլոց նշվում է անվանումը, նկարագրությանը, որն անհրաժեշտ է այն մաքսային վճարների, հատուկ, հակազնագցման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 404-րդ հոդվածի 1-ին մասի համաձայն՝ մաքսային գործառնություններ իրականացնելիս մաքսային ներկայացուցիչն ունի նույն իրավունքները, որոնք ունի այն անձը, որը լիազորում է նրան ներկայացնելու իր շահերը մաքսային մարմինների հետ փոխհարաբերություններում: Իր գործունեությունն իրականացնելիս մաքսային ներկայացուցիչն իրավունք ունի իր կողմից ներկայացվող անձից պահանջելու մաքսային գործառնությունների իրականացման համար անհրաժեշտ, այդ թվում՝ առևտրային, բանկային և այլ գաղտնիք կազմող տեղեկատվություն կամ այլ գաղտնի տեղեկատվություն պարունակող փաստաթղթեր և տեղեկություններ: Օրենսգրքի 405-րդ հոդվածի 1-ին մասի 6-րդ կետի համաձայն՝ մաքսային

ներկայացուցիչը պարտավոր է կատարել սույն օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ: Օրենսգրքի 20-րդ հոդվածի 1-ին և 4-րդ մասերի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան: Մաքսային հայտարարագրման ժամանակ ապրանքների դասակարգում չի իրականացվում այն դեպքում, երբ, սույն Օրենսգրքին համապատասխան, ապրանքի ծածկագրի վերաբերյալ տվյալները ենթակա չեն մատնանշման մաքսային հայտարարագրում՝ Արտաքին տնտեսական գործունեության ապրանքային անվանացանկին համապատասխան: Առևտրային, տրանսպորտային (փոխադրման) և (կամ) այլ փաստաթղթերում, ինչպես նաև եզրակացություններում, տեղեկանքներում, փորձագիտական հիմնարկների կողմից տրվող փորձաքննության արձանագրություններում նշված ապրանքների ծածկագրերը պարտադիր չեն ապրանքների դասակարգման համար:

ԵԱՏՄ մաքսային օրենսգրքի 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է: Ելնելով վերոնշյալից՝ մաքսային ձևակերպումների մասնագետ Բագրատ Նորիկի Գրիգորյանը պարտավոր էր իրականացնել մատակարար ընկերության կողմից ձեռք բերված «Կշեռքներ՝ նախապես փաթեթավորված ապրանքը կշռելու և մակնշելու համար DIGI ապրանքանիշի SM-320P K15 M մոդելի և YOUSENG ապրանքանիշի TM-15A մոդելի» նկարագրությամբ ապրանքների նկարագրության ուսումնասիրում և փաստացի ԵԱՏՄ ԱՏԳ ԱԱ 8423 81 500 00 ծածկագրով հայտարարագրում:

Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

«Մաքսային կարգավորման մասին» ՀՀ օրենքի 30-րդ հոդվածի 2-րդ մասի 3-րդ կետի համաձայն՝ մաքսային ձևակերպումների մասնագետի որակավորման վկայական ստանալու պարտադիր պայմաններից է մաքսային օրենսդրությանը տիրապետելը: Ելնելով վերոնշյալից՝ Բագրատ Նորիկի Գրիգորյանը պարտավոր էր որպես մաքսային ձևակերպումների մասնագետ հաշվարկել ներմուծված ապրանքների քաշերը, քանի որ կից փաստաթղթերում առկա են եղել բրուտոտո և նետոտո քաշեր և որպես 30 կգ-ից ոչ ավելի քաշով ապրանք ենթակա են ԱՏԳ ԱԱ 8432 81 500 0 ծածկագրով հայտարարագրման:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

Մաքսային ձևակերպումների մասնագետ Բագրատ Նորիկի Գրիգորյանը 2021 թվականի հունվարի 13-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի առանց իր մասնակցության, սակայն վերջինս չի մասնակցել:

Այսպիսով, նյութերով պարզվել է, ՀՀ-ում գործող «Յունիտեք» ՍՊ ընկերության անվամբ 30.01.2018թ. 05100011/300118/0001679 և 08.02.2018թ. 05100011/080218/0002343 Ա/Հ-ներով Չինաստանից ՀՀ տարածք են ներմուծվել «Կշեռքներ՝ նախապես փաթեթավորված ապրանքը կշռելու և մակնշելու համար DIGI ապրանքանիշի SM-320P K15 M մոդելի և YOUSENG ապրանքանիշի TM-15A մոդելի» նկարագրությամբ ապրանքները, որոնք մաքսային ձևակերպումների մասնագետ Բագրատ Նորիկի Գրիգորյանը հայտարարագրել է ոչ ճշգրիտ ԵՍՄ ՍՏԳ ԱԱ 8423 81 300 00 ծածկագրով, ինչի հետևանքով առաջացել են 362703 ՀՀ դրամի չափով պակաս հաշվարկված մաքսային վճարներ, այսինքն՝ Բ. Գրիգորյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է 23.11.2020թ. թիվ 0085-Ա կամերալ մաքսային ստուգման ակտով, 30.01.2018թ. 05100011/300118/0001679 և 08.02.2018թ. 05100011/080218/0002343 Ա/Հ-ներով, 26.10.2020թ. «Ապրանքի ոչ ճիշտ դասակարգում հայտնաբերվելու դեպքում ապրանքի դասակարգման վերաբերյալ» թիվ ԱԴՈ-20-000110 որոշմամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Բագրատ Նորիկի Գրիգորյանին (անձնագրի համար՝ AS0406141) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել պակաս հաշվարկված մաքսային վճարների հիսուն տոկոսի չափով՝ 181351 ՀՀ դրամ: /900005024055 (կող-19) հաշվեհամարին/

2. Որոշման մասին հայտնել Բ. Գրիգորյանին՝ պարզաբանելով, որ ՀՀ Մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ Մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ Վարչական դատարան երկու ամսվա ընթացքում:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



ԱՐՄԱՆ ՄՆԱՑԱԿԱՆՅԱՆ